**捣藻堂四庫全** 

書薈

要要

集部

**晋我世祖皇帝猶太祖之丕緒用宗親英賢之輔夜有** 欽定四庫全書管要卷一萬六十三百六十九非部 秤 道園學古録卷四十二歸田蒙十六 肅陳公神道碑 大夫吏部尚書上輕車都尉追封潁川郡侯諡文 通議大夫簽河南江北等處行中書省事贈正議 直到學古孫 虞集 换

一年出於天性讀經傳隨達其理為書氣韻有法弱冠事 簽省柘城陳文肅公其人也公諱思濟字濟民幼知孝 持文史議論以赞成於其間為諸公所器重則故河南 皆在輔相論思之列矣時則亦有恢宏之才勤敏之績 隆威卿諸賢置諸帷幄尊禮而信任之暨登極改元則 挺孟卿王公鴞百一竇公點子聲王公磐文炳徐公世 四海底定中原乃議禮制度考文以成萬世之業方在 邸已得她公極公茂許公衛仲平楊公果正鄉商公

**反正周至書** 

策軍獻百廢具修奏稟施行殆無虚日公於是時專主 世祖於潘邱以才器聞博聞積學顧問進退靡所闕遺 推明用人之法立官府修典章斟酌古今視察遠過草 中統始建中書省以總國政諸公在朝講論為治之道 從康公還朝仍主奏記銓衡儀節悉以無攝康公分省 果能絕顧慮以定變天子嘉歎平章王文統得罪死公 童康公忻都忠諒有為命以分省往鎮辟公以行亷公 奏記之事於掖垣矣天子方憂陝西地重而勢近以平

المالية المالية المالية

道園學古録

東平雅公左右司都事以從及還仍無知管差除阿哈 常以正義折之康公中於諮言阿哈瑪特坐省堂氣焰熏 瑪特亦位平章在廣公下請立制國用使欲侵國政康公 於康公之位公以手覆其處日公不得署此眾愕胎恐蹈 乃立十道勸農使以糾治之總於御史臺大抵以得忠 人甚以為難公在朝久如朝廷以兵革初定農事即廢 不測公恬然攝文書以退首相趕其言卒不敢擅署時 灼掾吏抱文書不敢前公獨以其文書進阿哈瑪特擬署

立尚書省中書為虚器公率同列魏公初太初雷公曆 勞命守其郡農桑水利奏最拜監察御史阿哈瑪特專政 皆致解公曰御史言官為國事非私已有所辨訟拂衣 者公皆執文墨而與聞馬至元六年置高唐州以公積 理免滞問問逐安豪石屏跡江南初內附民未等於新 厚款惻醇儒循吏以成其功此皆十餘年中為政之大 而出九年授奉訓大夫知沁州戒苛擾務簡静平賦往 上章言之上命樞容曾心仲一召御史置對同列

僚多新附人不敢發一語公謂師曰千餘人無反狀 帥大怒執郡中少年得千餘人將殺而居其城紹與郡 縱擊平之或告言城中少年將與外寇合謀為變者軍 撫諭民將慮服飛矢中陳公而及宣慰司以事聞合兵 山宣慰使陳公某慶甫馬公紹子卿帥師往討方立馬 政雅公中順大夫同知紹與路總管府事盗起新昌玉 百口保其不反帥曰陳公之保其民如此止兵不殺合 以無罪見殺人心危亂變恐不止此郡矣請以家人

定四庫全書

境得生全者皆公之惠也公承撒識獄浙西多所平反 桐廬民有以輕罪久擊者公関其贏而釋之明日匍匐 鹽互相牵引無完家公止坐見犯不聽榜指浙民以安 而前曰公仁恕神明不就公決公去而復囚瘐死矣公 拜陕西漢中道提刑按察副使丁母夫人憂御史臺四 慰司事未幾移節浙西浙西大水民飢無宿儲以濟而 起復之不為動二十三年陛少中大夫同知淮東道宣 即論而出之除同知兩浙都轉運鹽司事浙民甚苦私

肆虐属民空其家財往往妻子寒飢困辱有不忍言者 未迴車而雨僧格用事奏請遍行理算錢糧實以無表 省臣用語将因欲中傷之公措置有方未半年而成他 浙東多粟公曰皆天子之民也可坐視乎請於上移栗 中書右丞錫都浙省丞相孟格台奉行九力機公分理 郡民擾而未就也踏者乃不得志金陵旱公禱于鍾山 以救之民多全活又移江東朝命造五軍甲公董其事

浙東公至言曰瀕海民質而擴必激變得寝其行而本

**新定四庫全書** 

者遂止歲且終省檄列郡横造綺段而初不給其直列 迫州郡取淘金者三千户僅得其半公力言無後可充 抑權豪弊革而利通公科稱便拜顏北湖南道肅政康 道承意股剥獄行尤甚公絕督更卒多所還付朝廷以 有絲者借納明年夏稅不日而絲具召匠户并工成之 訪使改守池州以恤民理學為先務行省伊蘇岱爾威 兩浙鹽法壞擢公嘉議大夫雨浙都轉運鹽使禁私煎 郡取於民以應之又不中廢危迫不知所為公命民間

江北等處行中書省事未及上以十二月十六日殁於 **欽定四庫全書** 越訴懲誣告憲贖為清大德五年授通議大夫飲河南 踰月而就民不知有此役也時又有括田之命公今有 肅政廉訪使點昏情擊貪完濫食官府者望風而去禁 他而少息其江水溢池民受其害都陽尤甚公既脈池 以救其急徐設法而償之公私無所病擢江西湖東道 民無憂鄰郡之害請於省憲借軍儲及官吏之俸三月 田互相根括增田三千頃以應命而反覆苛横之苦視

墓碑未暇立也仍改至元之五年公之孫副憲節於江 徳不能一選朝廷論事廟堂之上豈非命乎故其官張 **髯豊下偉然大丈夫也慷慨有議論非國政民事不談** 池陽寓地之正寢享年七十贈正議大夫吏部尚書上 始仕內朝省府廉慰江南諸道皆有異政而位不充其 公孔孫夢符持憲淮東時述公爵里行事歲月如此而 輕車都尉追封潁川郡侯太常定益曰文肅嗚呼公美

節定四車全書

西以集自史館歸老江上有同朝一日之好使為之銘 道風學古餘

仕次四日元儒學官次五日楚業儒張出也次六日經 其風采如在目睫宣意得執筆以書其遺事者乎娶王 忠宣曰此世祖潛邸時老人中朝之舊也四十年來望 夫食廣西道肅政康訪司事中議大夫中山府知府致 世誠以陰入官四遷拜南行臺監察御史尋升朝列大 史中丞集以賓客從時文肅守池出見江館集得謁馬 氏追封顏川郡夫人先公三十年卒生子三人桑麟早 馬大德初董忠宣公士選自江西左丞拜江南行臺御

於浙西道肅政產訪司事前進士深國標餘皆士妻孫 李宗武適將住即德原縣主簿青人劉相適朝列大夫 從仕即邵武路經歷女適太中大夫寧國路總管河東 訪副使今以中順大夫移副江西憲次允武次九中銘 都事復拜監察御史還朝除朝請大夫浙東道肅政康 男三人允文以儒士武吏憲部歷御史大夫丞相禄授 承直即禮部主事連拜西南两行臺監察御史除西臺

文已日華全書 一

道图學古録

悠宋之遺墟彼頑弗知勞我兵車大帥死忠郡水敷惠 賢我承茲題我抑列在御史問非正人立言不渝直道 與運答錯多义惟文肅公文學凤成飭其脩能從事禁 以信方州邇止資其宣弟嗟彼南服未究新理會稽邀 奏納惟勤論功數言文史彌綸出入始終閱歷之積忠 取百宜侃侃其謀翼其儀老成在前英俊在右佐我 天生碩才以足世用廟廊則高民社斯重維告盛時百 庭龍飛之初接武諸老造次德容聲效治道肇開明堂

有節有恩大服民志愛民之誠久而彌爭海江之間千 奕有子世為御史至於賢孫冠多者四持節沂江信治 諸尼其止尚書履聲竟不復聞文肅易名可徵者文奕 歸江淮湯湯而我獨遺協恭外朝用老伊始殿於九華 不為動無不宜荷紫横金蒼顏雪髭烏莹鳳池孰不来 里與區三治宣閩兩貳鹽寒憲軺屢陞郡紋增科知無 足来遺風凛然後賢寤懷昔忝國史書事為職老朽在

野宣敢有述告瞻公儀又識公孫垂遠之言敢解復諄

飲定四庫全書

維肯我朝建國之初神武四達方域內附悉出其豪傑 公益襄敏楊公神道碑 正議大夫江南湖北道肅政康該使特贈宣忠効 翊戴功臣大司徒金紫光禄大夫上柱國夏國

其資性識造位置之有道器使之有宜顧育之有方所

天度恢麻聖鑒昭晰小大遠彌文武忠孝之臣無不因

衛腹心而經管計誤大得志於天下矣逮我世祖皇帝

才智而用之結之以誠惠之以德莫不竭股肱之力以

一飲定四庫全書 道園學古録 非臣之願也天子察其忠止其命官而使給事裕宗於 之頃即受命在左右以門者之未素識也特物令勿有 爵秩之重聖恩厚甚然一日去帷幄則不得日親天顏 所呵宰臣知其賢請命以官實則固辭曰外官有奉賜 聚人國制禁衛之嚴出入有定處無敢達越實喇一見 之歸在祖宗時其國人多已見用有若實喇唐古特者 姓楊氏自其國来見世祖皇帝已被識察待遇不同於

以使夫繼承大業者得人才之用沛然而無窮矣西夏

居東宫謂宫臣曰昔實喇唐古特事先皇最久且勞今 趙氏笑馬相顧未有以自見裕宗皇帝既崩隆福太后 裏怒公而嘉璋所謂裏敏公也公兄弟幼鞠于母夫人 年六歲次子多爾濟德四歲耳朵而只即故御史中丞 悉受分地以為第完式臘公得建地和寧里在內朝之 之北中為天子之官廟社朝市各以其位而貴戚功臣 東宫盆見親信至元十間年始大城京師於大與故城 西北於朝謁為近惜乎不得年以卒卒之日長子嘉璋

信可任無如公者命公密懷之即起勿去肘脫他臣弗 服用使施諸所部以為機密符令之信武宗顧左右忠 諸親王諸軍莫不聽命內朝以王章賜之蓋天子之所 軍旅之事武宗方遠征而仁宗奉興聖太后出居懷五 知也軍務纖悉有所出命則公以其童行馬時西北有 而中丞事仁宗皇帝矣武宗總兵朔方鎮祖宗之故地 之曰二子明真莊重他日可望也因使公事武宗皇帝 有子否對白實喇及其妻趙氏與二幼子在耳乃召見

**克尼日車全書** 

道图學占計

宰臣議所立非祖宗法達 爾罕忠獻王哈喇哈遜持重 擊之曰此所以識也廷中咸愧而壮之及上崩內廷與 謂之曰太子躬據介自蒙犯霜雪率諸王將師士大夫 也爾奈何阻之恨不得面質爾罪於天子即引所持過 軍萬里外以敵惊責不恭給用賞功賴此而已無所私 能無所觀望北鎮歲賜不以時發公之来也因併請之 而太府卿其者執其券不下而重有所要公不勝慎前 大德十年公以軍事入奏京師是時上病已久官府不 言曰此誠罪當死然事在新天子赦前不可以細人失 不發遣信使趣仁宗還鎮京師以迎武皇帝仁宗得報 方尚遠事巫矣不於此時還京師宗廟社稷之所係問 未即就道公適在京師晝夜疾馳見仁宗曰太子在北 曰孰為汝所擊者太府卿物誅之以其家賜公公拜而 入朝定大難迎武宗歸即位方猶豫時由公一言之決 不容髮尚遲回邪即遣李盆多爾齊再傳以先不數日 可謂心且勇矣既即位羣臣以次見至主藏吏上顧公

而從之論定難功超拜正議大夫同知太府院事至大 信請勿誅至於以其家賜臣臣尤不敢奉詔上嘉敦 定四庫全書

二年秋御史臺奏公為江南湖北道肅政庶訪使公将 曰此朕左右手何可若是其遠耶即日留為將作院 入解上問曰官所去此幾何公曰三十里而遠上不

使留之居官五月而疾作天子遣醫晝夜問遺不絕章

以十一月二十六日薨事年三十有三上聞為之震惶

賜鈔二萬五千緣太后如賜萬五千緣以恤其家自中

一人耳不力學何以自致見其能學則以自慰常居端 其孤鞠育恩勤如已出者勸之學尤為當日吾門惟汝 室王夫人適公時年十九甫四月而公卒越二十八年 香山鄉之皇華原公娶李夫人先卒生子一人雅克錫繼 書以下百司皆致賻以延祐二年四月其日葵宛平縣 方軍夫人治家常如公家居然族人成賴之王夫人於 夫人事君姑趙夫人至孝有疾侍湯藥不解帶公在北 為後至元三年歲在丁丑之正月夫人亦卒皆科馬李

· 沈江日華 & ·

道園學古緑

使今猶在朕以何官授之噫其在此子矣出內帮鈔二 於庶物思夫建事皇祖之故臣有子孫可用者得雅克 用云公弟在中臺時大父實喇贈推忠佐運功臣大保 得見仁宗摩其頂而嘆曰其父忠勤事先皇以及於朕 如也朝之士大夫莫不稱其貞節有母道馬雅克錫幼 錫拜南行臺監察御史清明端直有先人之遺風方見 一萬絡賜之而歲賜,栗給其家今上皇帝獨運乾網明 不妄言笑坐茵故弊而完潔不易恒處凝塵不除晏

國夫人而特贈公宣忠効力胡戴功臣大司徒金紫光 同三司上柱國夏國公益康靖夫人梁氏趙氏皆封夏 其子布哈佐憲河東又死國難中丞之次子文殊諾爾公子 雅克錫受知聖明皆起家為御史一家再世有大節前 禄大夫上柱國夏國公益襄敏夫人李氏追封夏國夫 人王氏封夏國太夫人赞書純至臣子感馬中丞遇害

金紫光禄大夫柱國夏國公益忠定夫人點布氏封夏

國夫人父實喇唐古特贈推誠到戴功臣太傅開府儀

後五人皆受耳目之寄豈他宗所可及哉集往年待罪 維夏盛強亢于西垂相時來廷世總其師民之多難疾 為集雖老退田野筆墨荒落而粗悉其世求著為銘詩 國史當奉詔書中还遺事于其神道之石雅克錫南來以 不敢辭也其辭曰

**灾匹厚全**書

之賢乃啓其封心雄萬夫康靖有作一見天子點有遐

威靡壹保族以康令徳之積厚本長源有楊之宗忠定

託雅志本朝不樂外馳俾事裕皇夏由春知二惠競惠

機中不容界一言之與國事攸賴至大清明聖功幸成 蹇中不弟兄相望大統之傳聖武有訓變生官校幾失 復興在今御史思其先忠以報天子兩襄之所松柏桓 正順宗社之危仁廟有為克斷弗疑公來替之大事之 桓史臣有書千載弗刊 在史策世作即邦桓主衮裳煒煒煌煌有貢水藏暫後 統宗會元為國之經聖子神孫有永無對立言有初具

而弗及見气管發班卒克有踐公事武皇從軍朔方塞

集昔承之國史觀乎中州當國家與王肇基之初而完 飲定四庫全書 大夫禮部侍郎上騎都尉追封天水郡伯趙公神 朝列大夫愈燕南河北道肅政康訪司事贈中議

夫亡金喪亂之迹以補史之闕文而太平日久舊聞散 失尚有可稱者無鉅細執筆不敢忽也得故禮部侍郎

世譜牒軼殘於兵可知者曾祖温祖德父仁金釣州同

安平趙公事狀見數事馬公諱思恭字仲敬性趙氏先

多矣其一也金之衰豪傑起而保其鄉里收其財賦以 用之乃擇知名之士垂傳行郡縣武民之秀異者以為 有定數然後軍旅驛傳工人之役進掖不與得以世情 士籍而别於民其尤異者復其家而浮圖老子之徒亦 仕而見知朝廷在被命武士之列吾黨之賴其優存者 其業而二氏之競起亦自此始矣是時釣州以國亡不 ここりをとなる一道国学古録 起柔強並驅後人無别大宗皇帝思養其賢才而

知金之亡其民顛沛奔走無底止四民無所占其籍徵

故國老人君子長者親行田里諭以安輯教之樹藝而 在兹也始置十道勘農使總以大農為之使者皆取於 白歸於朝廷急於稅課關市之征令長多所辟置傷殘 敬以從奉行新條不厭不迫而知名於時矣其二也僧 実是時勘農於河南河北而為之使者侯公爵也辟仲 **鱼定四月全書** 匹夫匹婦始知有養生送死之日而天下之治自此成 既多草菜弗碎世祖皇帝建元中統以來深憂邦本之 格專政用事深思御史臺不便於已求所以沮害之者 卷四十二

事繁更不暇給奏御史攜印詰部而閱之意將以陷御 該者正之犯者治之皆有常式而僧格以為户工二部 立臺舊例六部吏以時抱文書詩御史府御史閱其贖 自臺官御史以下不得行其職惴惴憂畏其事多端如 趙公與公議曰吏姦旁午觀望首眾盡索之將不勝誅 史也當是時公與趙魯公世延俱為御史當閱工部悉 而易於激怒以傷大體稍有疎漏被因得以為我罪宜

定回車全書

道周學古蘇

諸王近侍貴臣實飾異服馳駁盛氣以相先後國家一 三也國家歲以二月八日迎佛於城西高良河京府盡 趙公後歷臺省之重思公之才不盡用作辭以哀之其 時而後畢僧格果使人覆視之思慮至到暑無可議者 御史體也公性本寬易於此乃檢劾搜校無細不察經 容見及禍亦不測不如詳覆之寧受嚴密之禍猶不失 出富民珠王奇玩狗馬器服俳優優雜子女百戲時驚 以為樂禁卒外衛中官貴人大家設幕以觀廬帳蔽野

·寺中之人也並緣為貪虐尤甚公以御史執而治之以 譯者得見幸遇故其事尤侈織涂提舉儲布哈者高良 公之行事而國政之可考者在馬是皆當書以示来者 子飲怨非求福也僧格不能屈而罷爾後頗知國用之 日之費雖萬而民間之費稱之僧格者本大浮圖師之 僧格之令求解不得僧格召而辱之詰之曰女不欲為 耗或問歲一省或客應故事不復如首之盛其四也因 天子求福那禍且不測公徐曰儲布哈欺上虐下為天

一他即本院經歷院之所 司天子之膳 羞宴饗諸侯王大 一級院照磨明年遷承直即本院主事院陛二品就升承 臣軍旅賓客原係姓字邊豆之實酒體之用水陸之珍 史升大司農禄又轉宣微院至元十六年授承事即宣 彰德辟以為史以康辨稱遂佐勸農之行奏功轉刑部 百品咸具皆禁近大臣世守其官而領之經歷主事之 以知義利為要明習法令以副之高公鳴名士也其守 非私述矣公生於喪亂之餘長乎建國承平之始讀書 中丞何公禁祖董公文用前後顯奏其罪而僧格誅內 者二公賢而奏行之上為嘉納時御史臺見屈於權臣 官視文書出入簿正供具之出於四方者無所泛濫臺 大司農經歷而董公某尚公某皆在公條農務之當行 民存活甚聚而歸其子女易栗而為孥者遷奉政大夫聞山北饑即以賑恤為言因命之往勸急有方山北之 除奉訓大夫燕南河北道提刑按察司判官召拜御史

**金定四庫全書** 

外憲府始得伸其職遂改提刑按察司為肅政庶訪司

先些得年五十有八公娶焦氏金進士茂才女後公二 舍元貞二年也是年十二月八日葵子安陽聶村原之 劉公廣其人也歲十一月行部大名得疾来日卒于官 以法好薦士後多為大官知名當世如郭公貫安公祐 一班南河北道 肅政廉訪司事公之在憲府所至率師弟 子員行禮學官以為教而吏民之頑罵不率者亦不貸 拜公為朝列大夫愈河北河南肅政廉訪司事三年愈

以振起之廢察判之官省勸農使以增廉司兩食事而

官幾無以為飲真介然有守君子哉以次子天網責贈 十五年卒合葬公之墓次茂才太原元公好問之同年 |義許文正公文集等書則未常||日不組釋也及卒於 遺言則手自編録若夫陸宣公奏議真文忠公大學行 禮相公以學躬執飪紫傍無使令祭祀賓客靡有闕事 居公貧且介弗有也外無僕役身親賤事夫人明詩習 友也公平生儉約自處初至京城在官者皆分地以為 公之讀書六經之外非有益於世教者弗觀如程朱之

アハラ 直 と かい 道園學古録

嘉簿真寧録事年二十八卒于官女二壻潞州屯留簿 訪司事握嶺南廣西道庶訪副使改副湖南天經陰 档視棟構江西行省檢校官植槐早卒曾孫四炳煇炤 訪司經歷南行臺御史進內臺御史歷愈淮東山東蔗 子男三侃翰林國史院譯史年十九先卒天網舉茂異 王蔚愈江南浙西道肅政庶訪司事傅汝礪孫五植横 除宿州儒學正以御史大夫禄見知文皇超拜浙東庶 中議大夫禮部侍郎追封天水郡伯夫人封天水郡君

墓碑未立蓋有待也今蒙上思官爵熟封皆四品亦已 構除官江西適至乃命之日侍郎之葬四十七年矣而 事太史其公識之今歸老臨川爾至江西其代我請銘 三年可以表諸墓道矣我昔在憲府當識太史虞伯生 其客傅若金著行狀與其書以至集曰嗟夫人孰不欲 氏於趙魯公之宅魯公篤府君故傷之好當言先世遺

耀天綱副憲廣右既得推恩封公夫人北還至儀真而

使其親之有見於後世子其言行無所係於當世則亦

道團學古録

T AL D LEEL & date |

末如之何也予觀其狀與昔聞於魯公者該可信故為 清明姦愚不與天子仁里置相委政被點而萬竊我威 命孤詐虎城肆為百欺烈日嚴霜陰妖莫施以争以抑 在昔世皇建元命官小大文武雍雍桓桓寬則易处容 之銘銘日 印就曹閱其文書急則為傷緩則以靡分條析緣以極 則多肆肅而正之乃立御史慶賞刑威有勘有懲治朝 不遺餘力我我惠文撫劒莫擊公於此時弗巫弗徐攜

崇持節海嶽天子所庸遺忠遺直父訓斯在爰及其孫 加彌尊有爵有秩繼兹有書觀者以式 **夙有冠佩歸視其所松柏如雲代石嚴嚴来後斯文三** 治隆百吏樂職我獨多艱弗踐以防垂五十年今子登 直到學古百

正無羨繡衣舒舒畿甸周郎三年載遷盡容以新嗟當

觀君子所斥諤諤有言狂制屏息公贊大農務植本根

卿奏其書以子上恩王食不會庶邦畢獻度其常供有

其理鉤箔無施反歎其能不惡而嚴官有恒尊說異之

道園						
學古			-	-	-	
道園學古録卷四十二					-	
=		-	-			置
		-				=
	-			-	-	
	-	-		-	-	
•		-				

謹案卷四十 改 作火你赤今並改 作元童今改後放此 今改後放此 里今改後放此 後三行噶達蘇舊作干塔思又和尼齊舊 十五頁後一行輝圖舊作黃頭今改後 後四行沙卜珠舊作山住今改 九頁後六行珍巴舊作真保 一頁前五行巴咱爾舊作 二頁後四行巴圖舊作寶重 十六頁前二行裕勒通舊 前五行琳沁舊作建赤 後五 今

欽 定四庫全書 卷四十二第四頁後七行錫都舊作竹都又孟格 台舊作忙哥臺今並改 雅克錫舊作行飭今改後放比 後八行實喇 嘉琿舊作教化今改後放此 古特舊作式臘唐吾台今改後放此 後八行實喇卜珠卜丹舊作失刺来丁今改 行多羅岱舊作孫羅万今改後放此 二十一頁前二行拜特穆爾舊作別帖木今改 九頁前二行實喇唐 十二頁前二行 十九頁 後四行

舊作世刺今改 十三頁前一行點布舊作米 卜今改 前七行文殊諾爾舊作文殊納今改



腾録監生 臣王以謹校對官庶吉士臣陳宗本

欽定四庫全書着要道國學古録卷四十四

集部

詳校官助教臣謝登馬



治獄有陰德以子貴贈奉直大夫曾祖次康迪功郎祖 欽定四庫全書 果父震姚蔡氏君未成童而孤以母教知警策自樹立 孫君諱轍字履常其先自金陵來居臨川高祖彦居官 欽定四庫全書舊要卷一萬六千三百七十年部 道國學古録卷四十三歸田蒙十七 意銘 臨川隱士孫君履常甫墓誌銘 道園學古銀 虞集 换

一使問學以孝弟忠信為主本言温氣和聞者油然而自 宋亡故進士數人衣冠偉儒為泉庶儀表三四十年而 始即家居而講授馬一畝之宫近接關閱樹竹數个門 身率子弟受學候問敬養如事父兄人之從學者日衆 後盡君之生後於諸公而頌詩讀書檢身慎行隱然蚤 有譽於州里郡人力足以致客者具禮幣迎君於家塾 着然外齊內無嚴靖有恒户外之優常滿與門人考 川文物之邦自昔有行義文學政術之士相望於代

違軌轍而郡中俊彦有聲者往往皆自以為出其門矣 間無幾微及人過失長短而不經之賣非理之干亦無 君居以端坐出入有節待親戚鄉里禮意周治言論之 府而宣弟愛人之說則深致意馬江西行省憲司聘辟 自部使者郡長吏以下文武吏士仁且賢者莫不下車 自而至前矣士子過郡者之來見多愛慕之不忍即去 裴回至於君之里君樂易莊敬接之以禮言不及於官

J. J. 1

道園學古緑

得虚騎暴厲之氣忽然消沮故雖重孺亦知所趨向不

澹軒先生云君雖甚貧事母至孝母夫人性嚴君承順 皆不就朝廷當遣奉使分道問民疾告於天下齊太史 甘古不缺常足以致其歡心寡妹有二甥女皆養之親 履議學者也實來江西以遺逸特舉君一人學官咸時 以為衰君子稱馬君以元統甲戌十一月癸丑卒距其 夫人年九十五而終君時年已六十哀慕摧毀不敢自 原願皆卻不受自卿大夫至城市田野莫不稱之日 及笄審所宜歸而歸之女果有痼疾居室無問言母 灾四 庫全書

高福嶺之原使其甥女之子李奏來求銘君有文集若 戚門人與為之後者以十二月壬申葬諸臨川靈臺鄉 十年卒無子有女三人適黃熟適王瑜皆前卒其一未 生之壬戌凡七十有三年娶程氏郡名士之女也前二 笄君殁時命從子繼祖之次子盆為已後明年君之親 馬君有近體詩曰自是難容力那堪預作期勿忘仍勿 **权之曰所謂仁義之人其言藹如也於此可以觀其人** 干卷其門人將刻而傳之故翰林學士崇仁吳公伯清

一金定四庫全書 者或莫究其實際而昧其指歸其失之遠矣深可嘆也 吾觀孫君教人為實平允守經循理庶幾不知者之不 私日陸子之學如青天白日不可尚已聞其風而悅之 助非速亦非運可以見其學之所至美陸文安公生臨 歸子為之銘曰 敢為過高自欺之說以自詭而今亦亡矣噫吾將誰與 川之金谿近時郡之學者盆以為慕鄉吳公當喟然於

化俗達材本乎君子实实侯邦民底来止孰敦吾凉孰!

歸宋即来居臨川東門買田金谿築室城東以居郡故 七年而卒則國家仍改至元之五年已卯之十二月也 辰十月甲申空馬先事来求為之銘其先居金陵南唐 其孤肇管葬得地於其里長寧梅江心下保以明年度 臨川有隱君子吳仲谷先生者生故宋景定癸亥七十 原吾鄙躬行以率人用知恥有游有從觀感成美仁義 之言其著在此銘表其鄉以勘髦士 故臨川處士吳仲谷甫墓誌銘 直到學古际

禮經制書上送官並免本州文解而校勘用薦者得名 惠子有書曰易論機衡其弟國史校勘正子有書曰二 之曰清潤用晉人語也府君生武寧主簿文盛武寧生 之而文安公實娶于吳則諱漸府君識文安於虧風以 多氏吳者别之為東門吳氏云世為儒家而隱德不曜 其女歸之他日子孫祠府君于書堂以文安公侑食名 聖賢與新安朱子同時並起以其學教學者天下師尊 淳熙中金谿有大儒先生陸文安公以卓絕之學尚友

一面定四库全書

卷四十三

江右之伯帥牧守御史部使者與文學之更薦辟相望 生當我國家混一之盛野無遺賢而端居講授鄉里自 ▲喪其父瑪鞠於伯氏伯氏沒服伯氏之服而喪之三 對稱古而著廷辟為之屬矣是為先生之大父而先生一 貧而書堂不加革而敬者不衰則先生得以繼之者先 子公卿大夫有過於清潤堂之門者莫不見馬先生以 是邦十世四百年官雖不甚顯而清備文雅見稱於君 年世母朱氏年八十六而卒服喪禮亦如之先生之居

一欽定四庫全書 | 之不以官不以字蓋其士風之美者乎先生諱定翁字 家臺閣風憲者數十人而當點書於先生曰臨川士友 曰石泉二禮君曰西泉謂先生曰北齊皆因所居而稱 知已郡人尊徳而尚世謂諱漸府君曰東齊謂校勘君 見程公好賢聞天下而先生待之猶如此則其為人可 及門者踵相接也獨相望足下耿耿如王人而不可得 見馬故楚國程文憲公見知於世祖皇帝凡所薦引起 終身不為之動先生無妄交而學士大夫過郡無不求

高志悉寓於詩自以為人莫之及而人亦信之先生從 安令平山曾子良退居其鄉先生從之游其要以為求 之學詩尤得其音節氣岸久而造於沖雅則其自得也 聖賢樂處崇仁甘泳中夫者以馬邁而能隱以其卓識 廣而族人子弟婚嫁喪葬竭力以助之宋亡時有故淳 不解讀其遺書保其先業以長子老孫不求贏餘以自 故翰林學士同郡吳公以為有威唐之風而今學士豫 仲谷弱不好弄儼然如成人自長至老衣冠以居寒暑

華揭公學碩引以比諸涿郡盧公擊以為盧公位顯而 而哭孫先生又三年而哭先生而郡之老成盡矣吾黨 一和完不若先生之坐茂疎澹皆確論也先生初與要碩 有餘年退而問居者八年始哭學士吳公先生又三年 為清苦詩特其一學之美而已集從先生寓是邦五十 來徒者也數十年來與先生同為是那之望而先生九 仕或至貴顯先生泊然自如又有孫君履常亦自金陵 友同郡孟均盱江程百年劉時習皆其人也然後皆出

之小子學者將何所仰乎故不辭而為之書先生娶都 生還生女五人長適周士元次適楊讓又其次適陳曾 長適饒泰來次適張益幼適涂禹玉孫男四人沒濟元 肇有文學象州儒學正次端為伯兄後又次載女三人 世蓋名言也其殁也自始病至寝疾飲食服藥如其常 幼在室先生平日之言曰士無求用於世难求無愧於 氏繼軍氏則知韶州允升之孫將任郎行之之女長子

其將沒召子孫申海以先世之所以久遠者屬以輯其

道圖學古録

文配日祖 在 起

遭文而不及他事沐浴具衣冠即席久之偷然而逝可 室皦皦先生於學其傳安節躬行不矜不遷我咏其詩 高秋青天白日歌造其原不載以積吾衛因學每病其 默其容君子憂之孰為汙隆我瞻青田卓哉獨識陽春 先覺既遠學迷其宗危者為崇愿者為恭不足之欺善 **幽茂自然梅江有藏隱君之**阡 以見其為學矣銘曰 七弟嘉魚大夫仲常墓誌銘

開府儀同三司曾大父利州路提刑贈朝請大夫諱 道丞相贈太師雍國忠肅公諱允文四世祖直衣問贈 興文懿公諱世南陪奏昭陵為雅人後十一世諱嗣 明年其孙宣葵之撫州崇仁縣禮賢鄉廿六都之圆湖 從信宗入蜀守仁壽郡因家馬八傳為五世祖故宋乾 事著銘刻石於其基云虞氏系出虞仲世家會稽唐水 石鍾山後十五年其兄集歸休而老始克叙先世列行 元故嘉魚大夫虞樂仲常甫以泰定丁卯六月七日卒

飲定四庫全書 字曰常明年楊公出守海上我先人從之既而宋亡國 朝至元戊寅之歲內附先君出海北還仲常已五歲干 祭酒眉山楊公文仲方拜太常卿而仲常生於館故小 贈中奉大夫四川等處行中書省參知政事雍郡公諱 大夫禮部尚書雅郡侯諱珪 考故國史院編備官累 汲她雅郡夫人楊氏仲常以故宋咸淳甲戌六月十一 日生於臨安先夫人之父故宋給事中工部侍郎國子 大父故仁壽以開國男食邑三百户國朝界贈嘉議

常不以動其心子家甚貧而其婦安之仲常之身教也 而勤苦尤過之又七年至撫之崇仁先君有友曰异公 支中旦暮不相保無書册可攜先夫人置我兄弟於膝 治中宜黄潭氏則姑氏之女也姑氏遣女資裝頗治仲 之摹本而仲常已盡誦諸經略通其義矣盖與集同學 於家庭而仲常深完力考已為吳公所知二十娶潮州 澄幼清氏先夫人日此大儒非常人比故我兄弟雖學 下口授論語孟子詩書等書又二年庚辰至長沙始得書

欽定四庫全書 成丁已以蜀遠就武江西明年廷武賜同進士出身 至論學設教館務初不給也辰州未上而延祐科部行 湘書院山長除辰州路儒學教授異斗升以為養然所 而上之乃著頌極其所欲言而未始進也時人美其才 廷得李斯傅國聖者御史中丞崔或使秘書丞王桓韓 其幼時當讀柳子厚非國語以為國語誠可非而柳子 說亦非也著非非國語時人已歎其識民間傳聞朝 從諸侯為賓客署湖廣行省龍陽州儒學正全州清 卷四 道图學古録

吉安永豐还丁郡公憂不及上仲常之家居也無晝夜 之其書具存惜其平日慎重不發故知之者解而及其 尤病左氏之夸於解而認於實也逐並史漢之診而論 粹於春秋以為諸傳不足以得聖人之古亦別著為書 說而無以知古昔之意皆定者其說凡數十篇其學尤 方有節井井不紊於詩於書考諸傳註常病其傳襲為 手不釋卷事親之服內接親戚外交友朋酬酢人事有 門者不足以完其學之所至未有以傳之每與吳公論

道图學古録

也同官多自進士出敏於為官而仲常信所學頗稱齊 志不在住官而貧無以為家慟哭為别仲常之治相鄉 盡知之而仲常輕得其首趣所在蓋其用力精深而有 其所學少為所許可讀吳公所著諸經說他人或未足 除集復召歸次對而仲常除湘鄉州判官吾二人者雖 以得之非泛然也後之君子有得其書而讀之始版其 人之不可得而哀其所見於世者僅此而已先君之服

古有富人殺人而使受役於已者坐之上下其不阿從

R ALD LOOK do dulo 黨所為狀坐捕盜司召巫至賴之無敢施鞭軍者仲常 成州巫大言惟虞公不信我仲常聞之謂其吏曰吾未 暇耳行當召問之明日得初火卒一人訊之盡得巫之! 道图學古録

禮之又曰將有水與兵且至州大家皆盡室以逃幾不 告者數十寢食盡廢而縣長更以下皆迎巫至家而厚 日其方火又即火民以火告者仲常皆赴掠至達晝夜

竟有巫至其州稱神降告其八日明日共方火即火又

而坐者亦無他辭美仲常獨不署而死者坐者卒皆不

同在京師乃管葬費使葉與直歸其喪未行而宣已自 儒者之為政如此我滿如京師將與集相見而道中暑 者以告請長官同僚皆無敢出治曰君自為之仲常乃 治之盡得其好狀與其黨數十人羅絡內外果將為變 斷巫如法正其黨各歸諸其鄉而官府民家以安始服 命可告語者二人謂之曰此將為大亂此安有神子急 川奉極而歸諸崇仁嘉魚令之命下仲常不及見矣 幼子宣從行殯諸桃源縣之北而奔告于集叔弟葉

執筆與思朝流涕而不能成章今年已七十疾日加甚 第者也是以歸來數年之間宣等屢以斯文為請每一 傳者而所至止此此皆集不誠不明上負祖考下負賢 食無以顯揚其親以仲常之積學立志著書立論有可 | 差大故宋衣冠之世家百年以來幾己盡矣而遺經道| 之餘忍貧姑疏使我兄弟得以就學集之不肖雖竊禄 學之傳允鮮馬先君先夫人抱先世遺教於萬死一生

恐終無以盡吾情者乃叙而銘之子宣次旦次豈皆國

去後我哀弗除精神何之託翳丘土明復為人孰待來 忠厚之心純明之教我親孔難保我視做學而自信行 官東正有諸經說若干卷文集若干卷藏于家銘曰 學生孫裕即植椿桂墳女適買熙次適袁州路録事判 金页四层百四十二 而自持乃克有為我親之思同習異成不敏在予來先 皮來字維楨臨江路清江縣崇學鄉下風里人也故宋 皮菜維楨墓誌銘

一十日生弱冠以文學稱于鄉娶河東李氏故集賢侍讀 岳州路平江州判官潘之子也母虞夫人則故丞相忠 肅公之五世孫國朝贈嘉議大夫禮部尚書雅郡侯珪 汲之女而集之長女弟也荣以大德丁酉閏十二月初 之孫中奉大夫四川等處行中書省於知政事雍郡公

参知政事龍禁之世家紹定已且進士宣教即知平江

總管府尹兼勸農事一薦之嫡長孫廢受忠顯校尉前

縣事巽之曾孫鄉貢進士內附國朝嘉議大夫南雄路

一 鱼 定 匹 庫 全 書 一婦又喪其父不樂仕州縣 優遷官不以為意二知已鉅 學士中奉大夫個之女也故翰林學士資善大夫知制 將署置幕府不屑也蓋其負志甚高而母氏先殁李氏 部州郡有知名士皆禮而延之而來為之客甚見愛重 學士光禄大夫萬昌岳柱出為江西行省平章政事所 一時之選其告老而歸猶奉奉以勘講為重事薦才為 已任特為書達于朝廷使備檢討之選未報故集賢大 語同脩國史臨川吳公澄之在朝也肇開經遊遺積極

東漢隱君孺子之裔孫子男一人西女三人長適同里 龍興路富州奉化縣黃原坐未向五集為紀其家世歲 楊某次女許適同里姓某次幼菜以至元丙子二月七 足徵者祭又敏學意氣蓋有父風而翰墨幾乎舅氏之 日卒得年三十九後二年戊寅三月十九日其父葵之 <u>藏者其氏族不必因其舊也多矣荣內外家文獻無有</u> 月如此嗚呼前朝故家日遠而微其起而際遇國家之

P NJ D mad do dula

道國學古緣

公又先後去世是以未能有所發也再娶同里徐氏蓋

金利王輝鼎鼓弗施永處于云噫 感也夫銘曰 似矣吾女弟止有子一人而止於是其可悲也夫其可 故循職即建昌軍軍事判官雷君墓誌銘

於其色世世宗之為望族故宋時有諱陰者自己之會 君諱昇字則順姓雷氏豫章豐城人雷氏自煩得寶劒 遭句稍長疑如成人弱冠為諸老所器重會德祐改元 將奏之以官次以為吾子之子六歲背誦論語五子無 元坊既而君生尚書語其第曰是足當夢鼎之祥矣我 景定辛酉九月十八日生前三夕尚書夢得寶鼎於狀 来君以為父君本尚書公之弟諱憲中之第五子也以 書寶章閣學士通議大夫廣東經晷安撫使知廣州開 國豐城宜中君以為大父奉議郎大社令通判韶州國

京西安撫司幹官贈中大夫祁君以為曾大父禮部尚

一 飲定四庫全書 國事去兵吾何以生為遂死踰年計始至于鄉君服喪 兵而尚書南邁至于馬村之地而止馬後三年北兵卒 至尚書所居傷及尚書之身兵去門人請療之尚書曰 社除碎部奉尚書將入城國朝軍自湖南至大社死于 鎮廣州大社從君留居家尚書在廣州劫悍將易正大 於用材辟建昌軍軍事判官出官修職即是歲尚書起 而尚書亦以言罷出廣州還至曲江道梗不能還道大 尚書遣進表行在所補將任即以歸時方多虞間臣急 卷四十三道臣等古知

矣而顏海之道始通君解所生父而與之缺曰大社固 不能寧處求申其情事歲在內內江南之內附已十年 之分也何愛而不與之共乎即分與之有差已取其餘 至廣州留數月訪諸故吏黎應豐得尚書殯處奉柩泛 而已獨歸觀南海則以為已任每一言及則慟哭流涕 CO ALI DI ALE -已無可奈何萬一尚書旅機不得則免未有還期逐去 後者君曰國破家亡固其宜也且族人固吾祖父一身 道園 學古録

如禮而族人或謂尚書家遺業甚盛將為不利於為之

感謂尚書有孫矣是時朝廷録用宋故官及其子孫程 寅尚書广山之里第殿君奉神主抱遺書籍笏語命以 得達而門生故吏猶有在廣州者迎哭哀誄相屬于道 比還數經險阻身先與役行道之人哀之而鄉黨宗族 宋雷尚書守曰然爾為誰曰尚書孫也盜義而去之乃 號請寇曰故尚書雷經界之棺也寇為之感而問曰故 海及廣州遇海寇洋中隣舟人赴水死君手銘在大働 公蜚卿歸朝薦君為清江丞不就遂終其身云至元戊 定四月全書 時雷氏子孫力為善文章貴重當復見其世澤可知矣 出已栗脈之全活甚衆里人為之謠曰六十年前歲度 道見証之故大夫從而直之其人感君思懷白金為謝 為交游前進士范登氏題其齊曰止善表其為學之志 避而不及其私居北園三十年求聖賢於方策與名士 君斤去不受大德至大問里中飢至順庚午又飢君皆 午雷氏出栗活飢者後庚午歲歲後飢雷氏出栗如當 如此鄉人有蒙誣于官而不直者邑大夫適見君君為

· 金定四庫全書 進士之志君娶同里曾氏房州知府光之孫女也資送 後君乃求諸伯兄将任郎國賓之孫同康而立之以成 國登者本君之同父兄也子泰禮孫民傑皆相繼效無 即广山為居如尚書時規制人不以為過也國學進士

一有之至成人而後已至順奏酉十一月廿九日卒曾

喪未葬者葬之老而無子取其從兄之子於以繼之教

充厚而曾氏遭時艱家遠之君盡歸所齎資以養之

人先十八年卒子男二長鑄永新州家古字學正慶遠

**欽定四庫全書** 道图學古録 子孫漸以陵弱者多矣若尚書大社皆死國難與君歸! 曹孫女一人將以某年其月其日奏君于其處范復祖 壽孫女六長適臨江路學正范復祖次適徐理餘未嫁 事之傳於不朽也敢以墓碑為請集觀于故國世家其 葵胡克忠曰吳廷王次未嫁孫男四水吉終吉進吉洪 夕之養巫歸侍側不兩年而先君竟棄諸孙庶幾其遺 子甥之子也是以鑄介復祖來告曰鑄不思遠仕妨朝

等處安撫司教授次濤女四肾日勃授安福州巡檢王

令儀其藏可式 其歸魂大社有子尚書有孫鍾鳴鼎食来爾姆威生膽 赫赫宅里世濟其美尚書之孫大社之子奉極海清安 尚矣故為之銘曰 极之事皆可書且其婚姻家又皆前代簪纓之舊亦可 故奉訓大夫衛州路總管府判官致仕楊君墓誌

眉山楊氏系出華陰漢大尉震至唐漢公居靖恭坊子

論彗星件時宰退居台州以及冬政之父諱端仲贈太 管無府尹軍旅之餘江廣之間級撫鎮過恩威並著蜀 **禪之有子諱公畿內附國朝以嘉議大夫為南安路總** 無知和州文武才晷勇毅過人武將自行伍起者皆嚴 其季年尤盛参知政事諱棟以道學事理宗景定甲子 師申國公而優之其仲子也官至奉訓大夫淮西安撫 主簿逐家眉州歷五代宋歲久族大世有文學顯官及 孫盆顯僖宗之入蜀國子祭酒膳從之其弟勝為丹稜 אים לו שווח ! 道圖學古録

南安公之既老一至杭州盡以其田施諸族人而還居 僅保性命凡道出度顧者南安公光出私財以周濟之 扇海及知世祖皇帝神武不殺稍稍北還而家業狼狽 學倜儻好學問喜交游一時之名人若故宋禮部侍郎 廬陵蓋自南安北還止此而不能去也子曰壯行字伯 得不至顛沛其甚不能自存者有全室養於楊氏者矣 人士大夫在故鄉時甚苦兵寇之禍故在東南者皆走 鄧公中齊博士劉公辰翁及鄉人江西儒學副提舉陳 17.7

南丹安撫司經歷年方六十以疾告老授奉訓大夫衡 無沒以施請族人而還故江西平章政事淄菜李公世 領水新州判官改承務郎邵武路邵武縣尹廣西慶遠 以父庭除修武校尉韶州路仁化縣尹歷吉州稅務提 英故江西參知政事東平徐公琰知其才力薦之仕乃 州路總管府判官致仕娶王氏廬陵人生子昌文彬文 之退居當聚族於斯也南安沒伯學始得至其處理其


AL) OF HOLE ALL OLIVE

道園學古録

公黃、裳皆忘年與之游和州有先業在杭之成林參政

舅氏之子者而觀之蓋我先雅郡夫人之父則故宋 集之自楊氏出也其始至即以父命來謁求通其語於 衛州君年七十有一久病聞尉之没起撫棺大働遂以 目文資爽異好讀書衛州公之在仕也服勤左右克成 父之志其歸老也以善事稱屬赴江西鄉舉不偶科果 疾為後十日卒嗟子人生至此其為尼亦酷矣哉尉知 展始用衛州之底授崇仁縣尉以至元四年戊寅之歲 月七日上奉其父以來上數日即病以八月二日卒

見矣悲夫子始哭尉其子樵號而以衡州君之命求志 部侍郎國子祭酒諱其其系則出于丹稜府君於屬則 於集有鄉里親戚之故其有爱於一言乎昌文字贯道 號於集而求書衡州君之事如此邑之人聞尉父子相 其墓喪未行又哭衡州君而未及書也彬文來奔喪又 第之愛敬無問言蓋衡州君欲與集申論此事而不及 繼沒在殯未能去里卷莫不嗟悼而同僚亦深念之況 参政其叔父也實祐景定問侍即與参政同朝諸父見



宅基之後地近隣人之圃明善懼他時耕鋤之及也卜 賢父士琮母楊氏君以故宋實祐甲寅之歲生娶吳氏 經而學馬是以求集書其事于石以志今墓云君之父 坐丁向於吉時集老病家居延明善於家熟使子弟執 善繼善與女一人皆養卒獨明善有子曰啓女二君以 至元丁丑六月甲申改葬君子陂原紀家坑先陸之後 大元至大四年十一月二十九日卒蔡其里之官莊故 鄉貢進士解之女子四人長曰明善其次三人擇善主

道園學古録

所不欲勿施於人之語為切要懇懇為諸生言之又好 一 奏讀鄉之子第以東脩求海每盡心馬其為教尤以已 樂辨方卜日之書靡不精究置書册滿座有隙暇未當 為患害家以是盆貧君不以動心為學甚力自經史醫 寇平远歸又有暴客卒來犯衆為擊殺之吏按其事持 二十喪父值宋之亡寇起旁近而官軍又押至不能安 有惠于鄉里鄉人以為長者至子孫不忘君八歲喪母 居而去之鄰屋率焚湯聚善君父子故其室獨全五年 卷四十三 記其遺言緒論擴先賢之所未發者筆録而傳之為信 若明善者從公生時晝有所受夜必知思及其殁也日 文於人孰若脩實學於已真孝子之事也予文不腆不 念念圖畢其襄事其為人大縣如此云故翰林學士臨 為之葵亦隨而助之且殁時有再從叔母之喪未英猶 足以塞明善之志然而四方之士及吳公之門者多矣 施與宗族親戚之家有數喪不能葬君為葵之力不足 川吳公澄之言曰為人子者思有以顯其親與其求虚

妻君志沖字太和其四世祖諱郝宋嘉定參政忠簡公 文學生建以詩經貢郡晚以持科對策歷官至監福州 機之從兄弟也始自嘉典分居臨川生忠州文學义中 間安鎮受知於三衢徐公霖廣信徐公直方而與童貢 深藏之土厚温天光發新子有聞 而修之充其所至庶幾吳公之所謂孝子顯親者乎銘 故臨川隱士婁君太和墓誌銘

飲定四庫全書

這進士之墓而數已予過臨川麼青雲之奉而永數馬 官至從政郎吉州司法參軍而宋亡仲起南寶祐之外 時之名士間安有四子伯南良與其父同年舉進士第 曾原一沒儀趙崇擇同郡林實夫段信友六人者皆一 實施貢士之子也故翰林承古楚國公程公軍夫銘咸 子者各有子一人今信豐縣尹志淳司法之子而君則 舉鄉貢進士叔文輔咸淳庚午舉鄉貢進士李起華四

告當見其渠渠煌煌者今亡有矣事樹花木歸然百年

飲定日車全書

之舊性婁氏而已與其兄弟游行若思坐若遺言若不 信豐前主石城簿時故翰林學士吳公澄贈之以言曰 法之餘風婁氏稱鄉邦第一意何其盛也元統矣酉冬 法已殁見其仲叔季氏鬚髮皓白儀觀甚偉如商山老 與世相類而能保先世之業者信乎忠厚之可長也夫 賓友一如司馬文正公家範士大夫家能存承平時禮 予以庚午舉鄉貢與其叔父偕視簿猶從子也是時司 人畫像正至朔堅深衣魏冠頹羣子弟序列家庭接見

爽觀其安於文雅不覺恍然而自失也去之三年君以 弟序立執事君時已得末疾且愈猶從容相為禮出如 道子過堂下肅揖東行北折升君之新堂鶴豆在列子 肅然其中堂曰斑衣之堂者婁氏之先祠在馬相禮者 氏馬是時信豐猶官石城獨得見君與其弟若子户庭 使者至臨川而疾作留居城府再月詢故家遺族得妻 吳公所言其諸父時稍前出其中軒左圖右書竹葉森 直到學古話

予自禁林告歸僑居臨川之外邑明年有古復召還從

世懿行又知信豐之治民真有宣弟君子之意且親當 葬于臨川縣招賢鄉增芳之原信豊以其孤西行百里! 問之間文獻故物斯盡安得不為君銘之而著子之深 從君於其堂也而當數曰其諸子同高祖之兄弟也而 至予含求子作其墓銘子從程吳二公之文知妻氏家 得年五十二其孤禁等將以明年丁五之歲九月辛酉 仍改至元丙子之歲五月甲戌晦卒距其生之歲乙百 同居無別籍循循然奉承扶持略不見其有間鄉里州

定四庫全書

之行甚詳蓋以為君幼知孝敬生四年而母張氏卒已 |立祠使王氏子得以奉之君有姊當許適舅氏之子張 神童王克勤之諸孫登龍者娶於余賢而無子有女一 感者乎郡有者德君子吳君定翁長君二十年而述君 子不能喪君以弱冠往治其喪無遺闕又因王氏之室 人擇将得君君尚幼女猶待年而王氏之夫婦及繼立 知東泣事繼母楊氏又九年而卒能治其类都人淳思 元哲遠遊歲人不能自還君遣客齎裝以之歸厚遺而 **追到李古**印

然畏慎如恐失之以順以安以終其身以遺子孫完而 長能棄切志遇事如前所云者皆能咨禀於父而行之 之具蓋君之資質謹敏而持重切而學之不煩程督稍 妻之及好氏殁視其益素略無存者衣食棺槨君悉為 言之抑亦可以為完德嘉逊者矣子三人樣彬楫女三 有成人之道馬其間居嚴然若思不妄言笑家庭之間 人孫男一人女一人其銘曰 敦睦嚴整居無他好坐無襟賓服無華靡室無妾媵凛

**鱼定匹库全書** 

式主客即中贈太師立之生公是公非兩先生是為集 宗道諱自誠姓劉氏其先臨江人自三司磨勘贈太師 信徵刻石在阡 令德之門殆難為賢隱君有能著自孟年五十而衰其 用弗宣身修於家如玉在淵我懷二人論德立言邦人 劉宗道墓誌銘

史君符遷金溪生吉州史君龜從吉州生武岡主簿孟

賢學士贈太師敞中書舍人贈太傅放太傅之孫全州

其久有聞於來世也故屬信韓以待於傳速之文馬子 其墓石以文子先從自得得其家語知其自清江遷金 十四是年四月望其從兄自得以其從子做來見請書 博武岡生孝顯其曾大父鄉貢進士粹中其大父有傳 客之言曰予於自誠生而爱之也深及而哭之也哀欲 多蓋為之屬書其遺事兹又何斯乎乃得其從叔父有 溪之世次思其先世博學大雅而觀其子孫忠厚而眾 其父也以至元辛已生元統甲戌二月十三日卒年五

之裕然一不以貽親憂使其親日休休於觞外為樂故 稟以時無敢專任內治田園之生外應户門之務不亚 於一旦者所能及哉以長子綜家務雖身任其勞而咨 事時大父故無悉也故家老人領言先訓蓋不自知其 不徐條理井井不役役於利而用恒足事旁午而至處 期然而然者況又能從師力學以自立其所成就宣起 文懿之及人深也而子孫習於見聞修飾静好自有不 乃按而書之曰宗道幼在父母之側容貌莊謹而敏於 畫住木脩竹有足樂者延名師勝友與之遊是以有可 感之廣先人之廬以居務為完美不加雕飾而古書名 自任殁瑜年幼弟自勉殁自任殁時子做才七歳教育 某氏效終喪無違與其三弟居無間然也後四年長弟 讀書之外留意醫術病者来告診而與之樂朝愈人多 如已子親為加冠而授之室又十二年仲弟自重殁十 州里之所共爱慕者也皇慶壬子其父殁延祐甲寅母 餘年間手足之念實種厥心曾不以家督之勞為病也

紹之以雅永世 劉相等今劉氏子孫獨可徵如此盛哉銘曰 墨莊之遺播于金川有苗有秀有實維堅匪今伊今幾 三百年濟濟衣冠宣第之士鍾和流芳自宗道氏尚有 以某年其月某日先宋文學大家在江右者歐陽王曾 襄事惟謹族人善之是以請銘而做實来墓在某處葵 女五人子任居喪方弱冠微懷伯父之撫己也佐任治

間之亭馬而人亦謂宗道為可聞矣娶周氏子一人在

至順四年子以疾得告歸臨川明年春有古遣使召還 欽定四庫全書 故臨川黄君東之墓誌銘

與疾至郡城病盆甚使者以其狀還子乃得求郡士之

夫而來者曰游東之年將八十矣慷慨善論因子疾間 而言曰我本姓黄氏自高祖託婚於游而曾大父成大 工於醫者而議所以齊馬有紅觀白須美眉目偉然大

之身者逐為路人而與為兄弟族人者則游氏也不亦 父貴父友直世以游為氏而黄氏之族昔同出於一

誣其祖乎因者語去游復黃我娶危未有子以異母弟 於自返馬不亦君子之道乎後四年子客袁君誠夫為 又從誠夫遊於予門者也其言曰東之名大明生宋寶 子過為之言日知禮之所不可心之所未安而能不憚 禄生而自省之子曰助勉勣敷具著譜請一言以自信 師孟有二子曰自省曰履信取履信以為子履信之子 師孟為子久之殊不安也不敢以為子既老猶無子而 履信求銘東之墓誠夫故翰林學士吳先生高第而勉 てこう P 4 馬 道屋字古録

量受之力厚多質者不復辭多或有田二十五畝而求 著述其治法非粗工所知東之從之游盡得其學所療 喪歸葬既而遇方外士得治小兒病方用之應驗鄉人 其父與幼子避之他所遇害於道東之守舍胃難以其 祐甲寅年二十時遭宋亡臨川既内附兵盗旁起未寧 驗良方六卷藏于家於病家之酬貧者無所取粗給者 多十全著保嬰王鑑四卷傷寒總要三卷脈法三卷集 有許文叔兄弟子姪皆善醫一家之間講明精到各有

古書多簡與意旨深遠子沈點通博庶幾得之沈審不 學東之者東之曰子學不易成不足以為貧子遽失田 日學非止於此也小心疆力而推充之庶乎家學之不 於訓子孫尤諄謹且卒又出集驗良方以授之而謂之 忽易善採而不為利則不輕於人命矣遂盡以告之至 非拒子不教也同郡危素亦請學馬東之曰子則可矣 則無以為業是不得此而反失於彼也弗受其田來學 者聚颠語之曰治子業不精不足以活人而易以殺人

道圈學古録

聚美卒之歲為仍改至元之丙子十一月二十一日戒 亦附禮微或不安君子弗履善哉東之為書孔多厚生 勿用當自擇葬地後知其弗善弗用也更得里之淳湖 其子孫曰子自挨平生無妄醫以殺人之罪僧道士其 其後嗣也夫為之銘曰 禮審而善斷者年康彊隐于醫以殁利澤之遺將克昌 坐乙向辛以明年六月甲申室予觀東之氣剛而才美 聖人有言醫貴有恒恒謂桑倫弗数弗陵禮由人心律

貴 慎微古人同科古之為治尊生辨類以此排傷是以足 直接生士私 ::4:1

